

Bæjarstjórn Snæfellsbæjar

FUNDARBOÐ – 340. FUNDUR

Fundur er boðaður í bæjarstjórn Snæfellsbæjar, fimmtudaginn 17. desember 2020 og hefst hann í **Ráðhúsi Snæfellsbæjar kl. 12:00.**

Dagskrá bæjarstjórnarfundarins:

- 1) Fundargerð 144. fundar umhverfis- og skipulagsnefndar, dags. 16. desember 2020. Lagt fram á fundinum.
- 2) Fundargerð 189. fundar félagsmálanefndar Snæfellinga, dags. 8. desember 2020.
- 3) Fundargerð 892. fundar stjórnar Sambands íslenskra sveitarfélaga, dags. 11. desember 2020.
- 4) Skýrsla starfshóps um stöðu og framtíð úrgangsmála á Vesturlandi.
- 5) Bréf frá SSV, dags. 13. desember 2020, varðandi mögulega aðild Kjósahrepps að Heilbrigðiseftirliti Vesturlands.
- 6) Bréf frá Breiðafjarðarnefnd, dags. 23. nóvember 2020, varðandi ósk um umsögn bæjarstjórnar um samantekt og niðurstöður Breiðafjarðarnefndar um framtíð Breiðafjarðar. Frestað frá síðasta fundi.
- 7) Félagsmiðstöð unglinga í Snæfellsbæ. Niðurstöður vettvangsferðar.
- 8) Vinnutímatillaga Grunnskóla Snæfellsbæjar vegna styttingar vinnuvikunnar.
- 9) Vinnutímatillaga Ráðhúss Snæfellsbæjar vegna styttingar vinnuvikunnar.
- 10) Minnispunktar bæjarstjóra.

Snæfellsbæ, 15. desember 2020
Kristinn Jónasson, bæjarstjóri



Fundargerð 189. fundar félagsmálanefndar Snæfellinga

Opinber útgáfa!

Fundarstaður; Fundarstaður: „Teams-fjarfundarbúnaður“
Dagsetning; þriðjudagur 8. desember 2020 kl. 16.30

Mættir: Eygló Bára Jónsdóttir, Sigrún Þórðardóttir, Guðrún Kristinsdóttir, Ragnheiður Harpa Sveinsdóttir, Birta Antonsdóttir, formaður og Sveinn Þór Elinbergsson, forstöðumaður FSS.

Dagskrá: **Meðferð máls**

1. Birta Antonsdóttir, formaður, setur fund og stýrir.

2. **Málefni , skv. lögum um barnavernd** *kynning – umræða – afgreiðsla*
...(fært í trúnaðarbók félagsmálanefndar)

3. **Málefni, skv. lögum um félagsþjónustu sveitarfélaga** *kynning – umræða – afgreiðsla*
...(fært í trúnaðarbók félagsmálanefndar)

4. **Málefni , skv. lögum og reglugerð um sérfræðiþjónustu við leik- og grunnskóla** *kynning – umræða – afgreiðsla*
 - a) 1 umsókn barst um auglýsta stöðu náms- og starfsráðgjafa

5. **Önnur mál** *kynning – umræða*
 - a) Forstöðumaður og starfsfólk FSS óska félagsmálanefndarfólki gleðiríkra jóla- og nýárshátíðar með þökkum fyrir gott samstarf á árinu sem er að líða.

Fleira ekki gert og fundið slitið kl. 17.50

Fundarritari: Sveinn Þór Elinbergsson

Fundargerð 892. fundar

stjórnar Sambands íslenskra sveitarfélaga

Árið 2020, föstudaginn 11. desember kl. 13:00 kom stjórn Sambands íslenskra sveitarfélaga saman til fundar og fór hann fram í gegnum fjarfundarbúnað.

Fundinn sátu: Aldís Hafsteinsdóttir, Heiða Björg Hilmisdóttir, Þórdís Lóa Þórhallsdóttir, Eyþór Laxdal Arnalds, Haraldur Sverrisson, Guðmundur Ari Sigurjónsson, Rakel Óskarsdóttir, Halldóra Lóa Þorvaldsdóttir, Kristján Þór Magnússon, Jón Björn Hákonarson og Ásgerður Kristín Gylfadóttir.

Gunnar Einarsson boðaði forföll, varamaður hans Haraldur Sverrisson mætti í hans stað. Bjarni Jónsson boðaði forföll, varamaður hans Halldóra Lóa Þorvaldsdóttir mætti í hans stað.

Að auki sátu fundinn Karl Björnsson framkvæmdastjóri og sviðsstjórnarnir Anna G. Björnsdóttir, Guðjón Bragason, Inga Rún Ólafsdóttir, Sigurður Ármann Snævarr og Valur Rafn Halldórsson, sem ritaði fundargerð.

Fundargerðin var færð í tölvu.

Þetta var tekið fyrir:

1. Fundargerð 891. fundar - 2009100SA

Lögð fram til staðfestingar fundargerð 891. fundar stjórnar sambandsins frá 20. nóvember 2020.

Fundargerðin samþykkt og verður undirrituð á næsta stjórnarfundi sem verður haldinn í húsnæði sambandsins.

2. Félagsþjónustunefnd sambandsins - 2009307SA

Lögð fram fundargerð 52. fundar félagsþjónustunefndar sambandsins frá 9. desember 2020.

Stjórn sambandsins lýsir yfir miklum áhyggjum vegna stöðu NPA-verkefnisins og kallar eftir því að markviss vinna við lausn álitafna hefjist án tafar. Stjórnin áréttar að sveitarfélögin hafa innleitt þjónustuformið af metnaði og telja NPA mikilvægan valkost. Forgangsmál er á þessu stigi að fjármögnun þjónustunnar verði tryggð á næsta ári. Ef áfram á að vinna að innleiðingu er nauðsynlegt að gagnger breyting verði á þeim römmum sem ríkið setur um fjármögnun og skipulag verkefnisins.

Jón Björn Hákonarson kom inn á fundinn kl. 13:18.

3. Vinnufundur stjórnar sambandsins um úrgangsmál - 2009100SA

Lögð fram til kynningar fundargerð vinnufundar stjórnar sambandsins um úrgangsmál frá 4. desember 2020.

4. Endurskipun í kjaramálanefnd sambandsins - 2009623SA

Endurskipun í kjaramálanefnd sambandsins.

Samþykkt að tilnefna Lóu Birnu Birgisdóttur, sviðsstjóra mannauðs- og starfsumhverfissviðs Reykjavíkurborgar í stað Ragnildar Ísaksdóttur, sem látið hefur af störfum hjá Reykjavíkurborg.

5. Þjónustukönnun sambandsins - 2009404SA

Lagðar fram niðurstöður í þjónustukönnun Sambands íslenskra sveitarfélaga. Framkvæmdastjóri sagði að stjórnendur hjá sambandinu væru að rýna vel niðurstöður könnunarinnar með það að leiðarljósi að bregðast við ýmsum uppbyggilegum ábendingum til að bæta starfsemina eins og kostur er. Kemur það m.a. fram í tillögu að starfsáætlun sambandsins fyrir árið 2021.

Stjórnin lýsir ánægju með að heildarniðurstöður könnunarinnar eru mjög jákvæðar í garð sambandsins þó alltaf megi bæta og þróa starfsemina á jákvæðan hátt. Stjórn sambandsins leggur áherslu á að þjónustukönnun verði framvegis framkvæmd með reglulegri hætti en verið hefur.

6. Mat á árangri á starfsáætlun sambandsins 2020 - 2009392SA

Lagt fram mat á árangri á starfsáætlun sambandsins fyrir árið 2020. Framkvæmdastjóri fór yfir helstu þætti matsins.

Stjórnin þakkar fyrir greinargott mat á árangri og framfylgd starfsáætlunar ársins 2020. Þrátt fyrir erfiðar aðstæður á tímum Covid-19 hefur tekist að halda uppi öflugri starfsemi og er sérstök ástæða til að þakka markvissa upplýsingagjöf til sveitarfélaga. Hvetur stjórnin til þess að áfram verði haldið á sömu braut á næsta ári.

7. Drög að starfsáætlun sambandsins 2021 - 2011018SA

Lögð fram drög að starfsáætlun sambandsins fyrir árið 2021. Framkvæmdastjóri fór yfir helstu þætti áætlunarinnar.

Stjórnin samþykkir fyrirbyggjandi drög að starfsáætlun sambandsins ársins 2021 með þeim breytingum sem ræddar voru á fundinum. Ákveðið að taka starfsáætlun stjórnar aftur til afgreiðslu á næsta stjórnarfundum.

8. Tillaga til landsþings sambandsins 2020 - 2009390SA

Lögð fram tillaga til landsþings Sambands íslenskra sveitarfélaga 2020, dags. 3. desember 2020, sem hefur verið send til stjórnar. Rætt ítarlega um tillöguna meðal stjórnarmanna.

Ákveðið að boða til aukafundar stjórnar miðvikudaginn 16. desember nk. til undirbúnings landsþingi.

Halldóra Lóa Þórhallsdóttir vék að fundi kl. 14:55.

9. Breytingar á samþykktum Brúar lífeyrissjóðs - 2009577SA

Lagt fram bréf Brúar lífeyrissjóðs, dags. 9. desember 2020, þar sem óskað er eftir samþykki stjórnar Sambands íslenskra sveitarfélaga á breytingum á samþykktum sjóðsins, ásamt fylgiskjölum.

Stjórn samþykkir þær breytingar sem kynntar hafa verið á samþykktum Brúar lífeyrissjóðs.

10. Krafa frá Reykjavíkurborg um greiðslur úr Jöfnunarsjóði sveitarfélaga -2009370SA

Lagt fram bréf samgöngu- og sveitarstjórnarráðuneytisins, dags. 19. nóvember 2020, um kröfu Reykjavíkurborgar um greiðslu framlaga úr Jöfnunarsjóði sveitarfélaga, ásamt fylgiskjölum. Bréfið var kynnt í upphafi síðasta fundar stjórnar en ekki tekið formlega á dagskrá. Einnig lögð fram bókun stjórnar Samtaka sveitarfélaga á Norðurlandi vestra, frá 1. desember 2020, og bókun bæjarráðs Hveragerðisbæjar frá 3. desember 2020, um málið. Eftirfarandi bókun samþykkt samhljóða:

Stjórn Sambands íslenskra sveitarfélaga harmar þá stöðu sem komin er upp í samskiptum Reykjavíkurborgar og ríkisins vegna kröfu borgarinnar um að fá um 8,7 ma.kr. fjárframlag frá ríkinu þar sem að mati borgarinnar sé ekki lagastoð fyrir hluta af skerðingum á framlögum úr Jöfnunarsjóði sveitarfélaga til borgarinnar.

Stjórn sambandsins leggst alfarið gegn því að Jöfnunarsjóður sveitarfélaga verði fyrir fjárhagslegum skaða vegna þessa máls og kallar stjórnin eftir formlegum yfirlýsingum þess efnis frá málsaðilum.

Ásgerður K. Gylfadóttir vék af fundi kl. 15:20.

11. Ný drög að viljayfirlýsingu um tilfærslu á verkefnum Innheimtustofnunar sveitarfélaga til Tryggingastofnunar ríkisins - 2009213SA

Lagt fram minnisblað framkvæmdastjóra sambandsins, dags. 9. desember 2020, um ný drög að viljayfirlýsingu um tilfærslu á verkefnum Innheimtustofnunar sveitarfélaga til Tryggingastofnunar ríkisins, ásamt fylgiskjölum.

Samþykkt umboð til formanns og framkvæmdastjóra sambandsins að undirrita yfirlýsingu í samræmi við fyrirbyggjandi drög.

12. Kjarasamningur - 2009114SA

Lagt fram til staðfestingar samkomulag milli samninganefndar Sambands íslenskra sveitarfélaga, og Kennarasambands Íslands vegna Félags kennara og stjórnenda í tónlistarskólum, dags. 9. desember 2020, um breytingar og framlengingu á kjarasamningi aðila, ásamt kynningu á samningnum.

Stjórn Sambands íslenskra sveitarfélaga staðfestir samhljóða kjarasamning við stjórnendur í tónlistarskólum.

13. Lokaskýrsla um tilraunaverkefni um sérstakan húsnæðisstuðning - 2009218SA

Lögð fram lokaskýrsla Húsnæðis- og mannvirkjastofnunar um tilraunaverkefni um sérstakan húsnæðisstuðning, dags. í nóvember 2020.

Stjórn sambandsins samþykkir að þær tillögur sem fram koma í skýrslunni verði kynntar fyrir sveitarstjórnnum og stjórnendum í velferðarþjónustu til að fá afstöðu þeirra um eitt opinbert stuðningskerfi við leigjendur.

14. Tillögur Velferðarvaktarinnar til ríkis og sveitarfélaga í mótvægisáðgerðum vegna COVID-19 - 2009357SA

Lagt fram bréf Velferðarvaktarinnar, dags. 7. desember 2020, um tillögur til stjórnvalda, bæði ríkis og sveitarfélaga, í mótvægisáðgerðum vegna COVID-19 faraldursins.

Stjórnin samþykkir að béfið verði sent sveitarfélögum til kynningar.

15. Endurtilnefning í loftslagsráð - 2011053SA

Lagt fram til kynningar bréf sambandsins til umhverfis- og auðlindaráðuneytisins, dags. 25. nóvember 2020, þar sem Sveinn Margeirsson, sveitarstjóri Skútustaðahrepps, er tilnefndur í loftslagsráð.

16. Tilnefning í starfshóp um eflingu kynfræðslu í grunn- og framhaldsskólum - 2011059SA

Lagt fram til kynningar bréf sambandsins til mennta- og menningarmálaráðuneytisins, dags. 8. desember 2020, þar sem Kolbrún Hrund Sigurgeirsdóttir, verkefnisstjóri Jafnréttisskóla Reykjavíkur, er tilnefnd sem aðalmaður í starfshóp um eflingu kynfræðslu í grunn- og framhaldsskólum, og Þórður Kristjánsson, sérfræðingur á lögfræði- og velferðarsviði sambandsins, til vara.

17. Tilnefning í nefnd um heildarendurskoðun laga nr. 54/2006, um atvinnuleysistryggingar, með síðari breytingum - 2011040SA

Lagt fram til kynningar bréf sambandsins til félagsmálaráðuneytisins, dags. 8. desember 2020, þar sem Lóa Birna Birgisdóttir, sviðsstjóri mannauðs- og starfsumhverfisviðs Reykjavíkurborgar, og Sigurður Á. Snævarr, sviðsstjóri hag- og upplýsingasviðs sambandsins, eru tilnefnd í nefnd félags- og barnamálaráðherra um heildarendurskoðun laga nr. 54/2006, um atvinnuleysistryggingar, með síðari breytingum. Það þeirra sem ráðherra skipar ekki verður varamaður hins.

18. Umsögn um drög að frumvarpi til laga um breytingu á lögum um tekjuskatt og lögum um staðgreiðslu skatts á fjármagnstekjur - fjármagnstekjuskattur - 2011048SA

Lögð fram til kynningar umsögn sambandsins til fjármála- og efnahagsráðuneytisins, dags. 22. nóvember 2020, um drög að frumvarpi til laga um breytingu á lögum um tekjuskatt og lögum um staðgreiðslu skatts á fjármagnstekjur (fjármagnstekjuskattur), mál nr. S-251/2020.

- 19. Umsögn um drög að frumvarpi til laga um breytingu á hafnalögum - 2009439SA**
Lögð fram til kynningar umsögn sambandsins til samgöngu- og sveitarstjórnarráðuneytisins, dags. 23. nóvember 2020, um drög að frumvarpi til laga um breytingu á hafnalögum nr. 61/2003, mál nr. S-242/2020.
- 20. Umsögn um tillögu til þingsályktunar um flóðavarnir á landi - 2011036SA**
Lögð fram til kynningar umsögn sambandsins til umhverfis- og samgöngunefndar Alþingis, dags. 24. nóvember 2020, um tillögu til þingsályktunar um flóðavarnir á landi, 147. mál.
- 21. Umsögn um frumvarp til laga um breytingu á lögum um atvinnuleysistryggingar, nr. 54/2006 - tekjutengdar bætur - 2011052SA**
Lögð fram til kynningar umsögn sambandsins til velferðarnefndar Alþingis, dags. 25. nóvember 2020, um frumvarp til laga um breytingu á lögum um atvinnuleysistryggingar, nr. 54/2006 (tekjutengdar bætur), 300. mál.
- 22. Umsögn um drög að frumvarpi til laga um stefnumarkandi áætlanir á sviði samgöngu-, fjarskipta-, og byggðamála - 2011046SA**
Lögð fram til kynningar umsögn sambandsins til samgöngu- og sveitarstjórnarráðuneytisins, dags. 28. nóvember 2020, um drög að frumvarpi til laga um stefnumarkandi áætlanir á sviði samgöngu-, fjarskipta-, og byggðamála, mál nr. S-248/2020.
- 23. Umsögn um frumvarp til laga um breytingu á lögum um náttúruvernd, nr. 60/2013 - málsmeðferð o.fl. - 2011028SA**
Lögð fram til kynningar umsögn sambandsins til umhverfis- og samgöngunefndar Alþingis, dags. 30. nóvember 2020, um frumvarp til laga um breytingu á lögum um náttúruvernd, nr. 60/2013 (málsmeðferð o.fl.), 276. mál.
- 24. Umsögn um frumvarp um breytingu á skipulagslögum - raflínuskipulag - 2009205SA**
Lögð fram til kynningar umsögn sambandsins til umhverfis- og samgöngunefndar Alþingis, dags. 1. desember 2020, um frumvarp til laga um breytingu á skipulagslögum (raflínuskipulag), 275. mál.
- 25. Umsögn um frumvarp til laga um skatta og gjöld - tryggingagjald o.fl. - 2011047SA**
Lögð fram til kynningar umsögn sambandsins til efnahags- og viðskiptanefndar Alþingis, dags. 2. desember 2020, um frumvarp til laga um skatta og gjöld (tryggingagjald o.fl.), 314. mál.
- 26. Umsögn um frumvarp til laga um fiskeldi - vannýttur lífmassi í fiskeldi - 2012003SA**
Lögð fram til kynningar umsögn sambandsins til atvinnuveganefndar Alþingis, dags. 2. desember 2020, um frumvarp til laga um fiskeldi (vannýttur lífmassi í fiskeldi), 265. mál.

27. Umsögn um frumvarp til laga um breytingu á umferðarlögum nr. 77-2019 - umframlosunargjald og einföldun regluverks - 2012007SA

Lögð fram til kynningar umsögn sambandsins til umhverfis- og samgöngunefndar Alþingis, dags. 3. desember 2020, um frumvarp til laga um breytingu á umferðarlögum nr. 77/2019 (umframlosunargjald og einföldun regluverks), 280. mál.

28. Umsögn um frumvarp til laga um fæðingar- og foreldraorlof - 2011056SA

Lögð fram til kynningar umsögn sambandsins til velferðarnefndar Alþingis, dags. 6. desember 2020, um frumvarp til laga um fæðingar- og foreldraorlof, 323. mál, ásamt fylgiskjali.

29. Umsögn um drög að frumvarpi til laga um stafrænt pósthólf í miðlægri þjónustugátt stjórnvalda - 2012013SA

Lögð fram til kynningar umsögn sambandsins til fjármála- og efnahagsráðuneytisins, dags. 7. desember 2020, um drög að frumvarpi til laga um stafrænt pósthólf í miðlægri þjónustugátt stjórnvalda.

30. Umsögn um frumvarp til stjórnarskipunarlaga um stjórnarskrá lýðveldisins Íslands - 2011012SA

Lögð fram til kynningar umsögn sambandsins til stjórnarskipunar- og eftirlitsnefnd Alþingis, dags. 7. desember 2020, um frumvarp til stjórnarskipunarlaga um stjórnarskrá lýðveldisins Íslands, 26. mál.

31. Lífeyrismál fyrir fund Þjóðhagsráðs - 2009672SA

Lagt fram til kynningar minnisblað sviðsstjóra hag- og upplýsingasviðs, framkvæmdastjóra og hagfræðings á kjarasviði sambandsins, dags. 29. nóvember 2020, um lífeyrismál fyrir fund Þjóðhagsráðs 2. desember 2020.

32. Stytting vinnuvikunnar - hver er samningsaðili leikskólabarna? - 2012002SA

Lagt fram til kynningar opið bréf Bryndísar Baldvinsdóttur, Sigrúnar Huldu Jónsdóttur og Sóleyjar Gyðu Jörundsóttur, leikskólastjórnenda til Ásmundar Einars Daðasonar, félags- og barnamálaráðherra og Lilju Alfreðsdóttur, mennta- og menningarmálaráðherra, um styttingu vinnuvikunnar - hver er samningsaðili leikskólabarna?

33. Ráðstefnumat fjármálaráðstefnu 2020 - 2009150SA

Lagt fram til kynningar minnisblað sérfræðings á hag- og upplýsingasviði sambandsins, dags. 7. desember 2020, um niðurstöður ráðstefnumats fjármálaráðstefnu sveitarfélaga 2020.

34. Sóknaráætlanir landshluta 2015-2019 - 2009344SA

Lögð fram til kynningar greinargerð um sóknaráætlanir landshluta 2015-2019, dags. í nóvember 2020.

Fundi var slitið kl. 15:55

Aldís Hafsteinsdóttir

Heiða Björg Hilmisdóttir

Pórdís Lóa Þórhallsdóttir

Eyþór Laxdal Arnalds

Haraldur Sverrisson

Guðmundur Ari Sigurjónsson

Rakel Óskarsdóttir

Halldóra Lóa Þorvaldsdóttir

Kristján Þór Magnússon

Jón Björn Hákonarson

Ásgerður Kristín Gylfadóttir

framkvæmdastjóri

ritari

Kristinn Jónasson

From: Hrefna B Jónsdóttir <hrefna@ssv.is>
Sent: laugardagur, 12. desember 2020 16:50
To: Bæjarstjóri Akranesi (saevar@akranes.is); akranes@akranes.is; Borgarbyggð sveitarstjóri; borgarbyggd@borgarbyggd.is; Linda Björk Pálsdóttir; skorradalur@skorradalur.is; Sveitarstjóri Dalabyggð; Jakob Björgvin Jakobsson (jakob@stykkisholmur.is); 'Thor Jonsson'; Björg Ágústsdóttir (bjorg@grundarfjordur.is); Helgafellssveit Hreppsnefnd; Eyja- og miklaholtshreppur (eggertk@simnet.is); Kristinn Jónasson
Subject: Skýrsla starfshóps um stöðu og framtíð úrgangsmála á Vesturlandi.
Attachments: Skýrsla.Lokaútgáfa.8.12.2020.pdf

Sæl öll

Meðfhlgjandi er upphaf inngangs að skýrslu um stöðu og stefnu úrgangsmála á Vesturlandi.

Starfshópurinn lauk störfum þann 8. desember sl.

Í viðhengi má finna skýrsluna. Sveitarstjórnir hafa hana til umsagnar fram að eigendafundi sem ekki hefur verið dagsettur. Von okkar er að geta haldið fund, sbr. eigendafundinn sem var þann 7. Sept. sl. en þá náðum við að hittast í í Borgarnesi. Eigendafundur verður ekki haldinn fyrr en á nýju ári.

1. Inngangur

Eigendafundur Sorpurðunar Vesturlands hf. var haldinn í Hjálmakletti í Borgarnesi Efni fundarins var að ræða framtíðarrekstur Sorpurðunar Vesturlands hf. Sorpurðunarstaðarins í Fíflhloltum m.t.t. breytinga á vettvangi úrgangsmála í landinu. Í breyttan farveg á næstu árum og má þar nefna breytingar á regluverki frá EU (í sem innleitt hefur verið og verður innleitt á Íslandi. Í stuttu máli var lögð fram tillaga samþykkt var samhljóða sem er:

Tillaga fyrir hlutahafafund í stjórn Sorpurðunar Vesturlands hf.

„Hlutahafafundur Sorpurðunar Vesturlands haldin 07.09 2020 samþykkir að fela Vesturlands að vinna langtímastefnu fyrir sormál á Vesturlandi. Stefnan nái til lengur.

Stefnan skal unnin í ljósi þarfagreiningar allra sveitarfélaga sem eru að Vesturlands. Þau sveitarfélög sem ekki eiga fulltrúa í stjórn fyrirtækisins tilnefna fulltrúa til samráðs til að taka þátt í stefnumótunavinnunni með stjórn.

Staðfesta skal stefnuna á hlutahafafundi í Sorpurðun Vesturlands, að undangen eigendum, þegar hún liggur fyrir. „

Starfshópurinn lauk störfum þann 8. desember sl.


Starfshópurinn lauk störfum þann 8. desember sl.

Í viðhengi má finna skýrsluna. Sveitarstjórnir hafa hana nú til umsagnar fram að eigendafundi sem ekki hefur verið dagsettur. Von okkar er að geta haldið fund, sbr. eigendafundinn sem var þann 7. sept. sl. en þá náðum við að hittast í í Borgarnesi. Við stefnum að eigendafundi á nýju ári.



**Aðgerðaáætlun fyrir Vesturland
fyrir sameiginlega svæðisáætlun
um meðhöndlun úrgangs**

**Niðurstöður og tillögur starfshóps
Sorpurðunar Vesturlands
til
eigenda**



Sorpurðun Vesturlands

Innihald

1. Inngangur	3
2. Stefna í úrgangsmálum	4
2.1 Lög nr. 55/2003	4
2.2 Frumvarp til breytingar á lögum nr. 55/2003 var kynnt 2019 (ekki framlagt 8.12.2020)	4
2.3 2008/98/EC.....	5
3. Markmið.....	6
3.1 Samkvæmt eldri svæðisáætlun	6
3.2 Samkvæmt núgildandi lögum og reglugerðum	6
3.3 Samkvæmt lagafrumvarpi frá 2019	6
3.4 Samkvæmt Evróputilskipunum.....	6
3.4.1 2008/98/EC	6
3.4.2 2018/850/EU viðauki við tilskipun 1999/31/EC um urðun	7
3.4.3 2018/851/EU.....	7
3.4.4 94/62/EC um umbúðaúrgang.....	8
3.4.5 2018/852/EU um umbúðaúrgang.....	8
4. Núverandi staða á Vesturlandi.....	9
4.1 Söfnun úrgangs.....	9
4.1.1 Akranes	9
4.1.2 Borgarbyggð	9
4.1.3 Dalabyggð.....	9
4.1.4 Eyja- og Miklaholtshreppur.....	10
4.1.5 Grundarfjarðarbær.....	10
4.1.6 Helgafellssveit	10
4.1.7 Hvalfjarðarsveit.....	10
4.1.8 Skorradalshreppur	11
4.1.9 Snæfellsbær	11
4.1.10 Stykkishólmsbær	11
4.2 Móttaka og meðhöndlun úrgangs.....	12
5. Þarfir.....	13
5.1 Akranes	13
5.2 Borgarbyggð	13
5.3 Dalabyggð	14
5.4 Eyja- og Miklaholtshreppur	15
5.5 Grundarfjarðarbær	16

5.6	Helgafellssveit.....	16
5.7	Hvalfjarðarsveit	17
5.8	Skorradalshreppur.....	18
5.9	Snæfellsbær.....	18
5.10	Stykkishólmsbær.....	19
6.	Niðurstöður og tillögur um aðgerðir.....	20
6.1	Megin niðurstöður.....	20
6.1.1	Staðan nú	20
6.1.2	Millibilsástand	20
6.1.3	Framtíðarhlutverk Sorpurðunar Vesturlands.....	21
6.2	Tölfræði og gjaldskrármál.....	21
6.3	Heimilisúrgangur	22
6.3.1	Lífrænn úrgangur	22
6.3.2	Pappír/pappi	22
6.3.3	Málmar.....	22
6.3.4	Plast.....	22
6.3.5	Gler.....	23
6.3.6	Klæði (textílar).....	23
6.3.7	Ökutækjaúrgangur	23
6.3.8	Raf- og rafeindaúrgangur	23
6.3.9	Skilagjaldsumbúðir.....	23
6.3.10	Aðrar umbúðir.....	24
6.3.11	Urðun	24
6.4	Rekstrarúrgangur.....	24
6.4.1	Byggingar- og niðurrifsúrgangur	24
6.5	Landbúnaðarplast.....	25
6.6	Dýrahæ.....	25

1. Inngangur

Eigendafundur Sorpurðunar Vesturlands hf. var haldinn í Hjálmakletti í Borgarnesi 7. september 2020. Efni fundarins var að ræða framtíðarrekstur Sorpurðunar Vesturlands hf. Sérstaklega reksturs urðunarstaðarins í Fíflhloltum m.t.t. breytinga á vettvangi úrgangsmála í landinu. Úrgangsmál stefna í breyttan farveg á næstu árum og má þar nefna breytingar á regluverki frá EU (Evrópusambandinu) sem innleitt hefur verið og verður innleitt á Íslandi. Í stuttu máli var lögð fram tillaga á fundinum sem samþykkt var samhljóða sem er:

Tillaga fyrir hlutahafafund í stjórn Sorpurðunar Vesturlands hf.

„Hluthafafundur Sorpurðunar Vesturlands haldin 07.09 2020 samþykkir að fela stjórn Sorpurðunar Vesturlands að vinna langtímastefnu fyrir sorpmál á Vesturlandi. Stefnan nái til næstu 12 ára eða lengur.

Stefnan skal unnin í ljósi þarfagreiningar allra sveitarfélaga sem eru aðilar að Sorpurðun Vesturlands. Þau sveitarfélög sem ekki eiga fulltrúa í stjórn fyrirtækisins tilnefna hvert um sig einn fulltrúa til samráðs til að taka þátt í stefnumótunarvinnunni með stjórn.

Staðfesta skal stefnuna á hluthafafundi í Sorpurðun Vesturlands, að undangenginni kynningu fyrir eigendum, þegar hún liggur fyrir. „

Starfshópur var settur á laggirnar en í honum sátu fulltrúar allra sveitarfélaga.

Kristinn Jónasson formaður stjórnar.	Snæfellsbæ
Karitas Jónsdóttir, stjórnarmaður	Akranesi
Sævar Jónsson, stjórnarmaður	Akranesi
Finnbogi Leifsson, stjórnarmaður	Borgarbyggð
Halldóra Lóa Þorvaldsdóttir, stjórnarmaður	Borgarbyggð
Eyjólfur Ingvi Bjarnason, stjórnarmaður	Dalabyggð
Unnur Þóra Sigurðardóttir, stjórnarmaður	Grundarfjarðbæ
Daníel Ottesen, skipaður í starfshóp	Hvalfjarðarsveit
Pétur Davíðsson, skipaður í starfshóp	Skorradalshreppur
Lárus Ástmar Hannesson, skipaður í starfshóp	Stykkishólmsbæ
Guðrún Reynisdóttir, skipuð í starfshóp	Helgafellssveit
Eggert Kjartansson, skipaður í starfshóp	Eyja- og Miklaholtshreppur

Með nefndinni starfaði Hrefna B Jónsdóttir, framkvæmdastjóri, jafnframt sat Páll S. Brynjarsson framkvæmdastjóri SSV fundina

Ráðgjafi nefndarinnar var Teitur Gunnarsson, efnaverkfræðingur frá verkfræðistofunni Mannviti.

Nefndin hélt fimm fundi og skilaði af sér skýrslu/tillögum til eigenda félagsins þann 8. desember 2020.

2. Stefna í úrgangsmálum

2.1 Lög nr. 55/2003

Í núverandi lögum nr. 55/2003 segir í 1. grein:

„Markmið laga þessara er að tryggja að úrgangsstjórnun og meðhöndlun úrgangs fari þannig fram að:

- a. ekki skapist hætta fyrir heilbrigði manna og dýra og umhverfið verði ekki fyrir skaða,
- b. ekki skapist óþægindi vegna hávaða eða ólyktar,
- c. ekki komi fram skaðleg áhrif á landslag eða staði sem hafa sérstakt gildi,
- d. úrgangsstjórnun sé markviss og hagkvæm og úrgangur sem til fellur fái viðeigandi meðhöndlun,
- e. stuðlað sé að sjálfbærri auðlindanotkun með aðgerðum og fræðslu til að draga úr myndun úrgangs,
- f. nýting hráefna úr úrgangi sem fellur til sé aukin, og
- g. handhafar úrgangs greiði kostnað við meðhöndlun úrgangs.“

2.2 Frumvarp til breytingar á lögum nr. 55/2003 var kynnt 2019 (ekki framlagt 8.12.2020)

Í kynningu að frumvarpi um breytingu á lögum nr. 55/2003, sem kynnt var í lok desember 2019, er gert ráð fyrir að 1. grein breytist og hljóði svo:

„Markmið laga þessara er að *skapa skilyrði fyrir myndun hringrásarhagkerfis* og að tryggja að úrgangsstjórnun og meðhöndlun úrgangs fari þannig fram að“ ...

Ennfremur segir síðar í frumvarpinu: „Fyrirkomulag söfnunarinnar skal stuðla að því að markmiðum laga þessara, og reglugerða settra samkvæmt þeim, þ.m.t. töluleg markmið um endurvinnslu og endurnýtingu, verði náð í sveitarfélaginu.“

Koma skal upp sérstakri söfnun á heimilisúrgangi þar sem það er nauðsynlegt til að uppfylla ákvæði 1. mgr. 11. gr. og koma í veg fyrir að úrgangur blandist öðrum úrgangi eða öðrum efniviði með aðra eiginleika. Sérstök söfnun skal vera á a.m.k. eftirfarandi úrgangstegundum: pappír, málmum, plasti, gleri, lífúrgangi, textíl og spilliefnum. Sérstök söfnun á pappír, plasti og lífúrgangi skal fara fram á sem aðgengilegastan hátt við íbúðarhús og hjá lögaðilum í þéttbýli. Söfnunin skal fara fram innan lóðar viðkomandi íbúðarhúss eða lögaðila og aldrei fjær viðkomandi byggingu en 100 metrum.

Sveitarfélögum er heimilt að uppfylla skyldu til sérstakrar söfnunar á gleri, málmum og textíl með söfnun í grenndargáma, að því tilskildu að þau uppfylli skyldur sínar hvað varðar töluleg markmið um endurvinnslu og endurnýtingu. Sérstök söfnun á spilliefnum skal fara fram á söfnunarstöðvum sem hafa fengið starfsleyfi til að meðhöndla spilliefni. Sveitarfélög skulu útfæra nánara fyrirkomulag sérstakrar söfnunar í samþykkt um meðhöndlun úrgangs.

Skylt er að innheimta gjald sem næst raunkostnaði við viðkomandi þjónustu, s.s. með því að miða gjaldið við magn úrgangs, gerð úrgangs, losunartíðni, frágang úrgangs og aðra þætti sem áhrif hafa á kostnað við meðhöndlun úrgangs viðkomandi aðila. (Þetta merkir að ekki verður heimilt að nota núverandi kerfi sem byggir á fasteignamati/stærð fasteignar)

Lífúrgangi skal safnað sérstaklega.

2.3 2008/98/EC

Fyrsta markmið sérhverrar stefnu í úrgangsmálum ætti að vera að lágmarka neikvæð áhrif af myndun og meðhöndlun úrgangs á heilbrigði manna og á umhverfið. Úrgangsstefna ætti einnig að miða að því að minnka notkun hvers konar aðfanga, og miða að því að beita úrgangspríhyrningnum til að minnka heildaráhrif úrgangsins.

Eftirfarandi forgangs röðun skal vera við val á aðgerðum í úrgangsmálum (Úrgangspríhyrningurinn):

1. Koma í veg fyrir myndun úrgangs
2. Undirbúa úrgang fyrir endurnotkun
3. Endurvinnna úrgang
4. Önnur endurheimt t.d. orkuendurnýting, framleiðsla eldsneytis, landmótun
5. Förgun

Við val á meðhöndlunarleið skal gæta þess að lágmarka heildaráhrif af meðhöndluninni, sem getur leitt til þess að ákveðnir úrgangsstraumar fari leið/ir sem víkja frá úrgangspríhyrningnum.

3. Markmið

3.1 Samkvæmt eldri svæðisáætlun

Áður hafa verið gerðar tvær sameiginlegar svæðisáætlanir um meðhöndlun úrgangs fyrir Suðvesturland. Að gerð þeirra hafa staðið Sorpurðun Vesturlands (SV), Sorpstöð Suðurlands (SOS), Sorpeyðingarstöð Suðurnesja (KALKKA) og SORPA. Sú fyrri var samþykkt 2005 og gildi í 12 ár, en vegna mikilla breytingar á magni úrgangs og kröfum til meðhöndlunar var fljótlega ákveðið að hefja undirbúning að endurskoðun hennar. Hófst hann þegar 2006 þegar hafist var handa að kanna hvers konar meðhöndlunarleiðir kæmu til greina. Endurskoðuð svæðisáætlun kom svo út 2009 og gildir út árið 2020. Megin niðurstaða þeirrar áætlunar var sú að sorpsamlögin settu sér það markmið að hætta urðun lífræns og brennanlegs úrgangs eigi síðar en 31.12.2020.

Þetta markmið var strangara en skylt var samkvæmt lögum, sjá næstu grein.

3.2 Samkvæmt núgildandi lögum og reglugerðum

- Lífrænn heimilísúrgangur sem berst til urðunarstaða skuli eigi síðar en 1. júlí 2020 hafa minnkað niður í 35% af því sem hann var 1995.
- Lífrænn rekstrarúrgangur sem berst til urðunarstaða skuli eigi síðar en 1. júlí 2020 hafa minnkað niður í 35% af því sem hann var 1995.
- Koma skal í veg fyrir myndun umbúðaúrgangs og sýna hvernig minnst 50% og mest 65% af þyngd umbúðaúrgangs er endurnýttur, þar sem minnst 25% og mest 45% af þyngd allra umbúðaefna í umbúðarúrgangi er endurunnið og þar af minnst 15% af þyngd hvers umbúðaefnis fyrir sig. Þetta markmið er eiginlega komið á borð Úrvinnslusjóðs, a.m.k. er varðar pappa-, pappírs- og plastumbúðir. Sveitarfélögin þurfa að tryggja að þessar umbúðir náist sérsafnaðar til að uppfylla ákvæðin.
- Endurnotkun og endurvinnsla úr sér genginn ökutækja skal vera að lágmarki 95% og á sama tíma endurnotkun og endurvinnsla að lágmarki 85% af meðalþyngd ökutækis. Þetta verkefni er einnig á borði Úrvinnslusjóðs.
- Söfnun og meðhöndlun á raf- og rafeindatækjaúrgangs skal að jafnaði vera þannig að safnað sé a.m.k. 4 kílóum á hvern íbúa á ári af slíkum úrgangi og hann meðhöndlaður á viðeigandi hátt.

3.3 Samkvæmt lagafrumvarpi frá 2019

Engin ný töluleg markmið en vitnað til Evróputilskipunar 2018/851/EU

3.4 Samkvæmt Evróputilskipunum

3.4.1 2008/98/EC

- Framkvæmdastjórn ESB leggi fram, eigi síðar en í árslok 2014, tillögu að markmiðum fyrir árið 2020 um að fyrirbyggja úrgangsmýndun og aftengja sambandið milli umhverfisálags af úrgangi og magns úrgangs.
- Koma skal á sérstakri söfnun á a.m.k. pappír, málmum, plasti og gleri í síðasta lagi 2015. (Þetta má gera með grenndargámum eða gámum á gámastöðvum)
- Árið 2020 verði að lágmarki 50% alls plasts, glers, pappírs/pappa og málma sem safnað er frá heimilum og frá öðrum aðilum með sambærilegan úrgang undirbúið fyrir endurnotkun eða endurunnið.